

Jud

¹ I dere așeta, Yesu Kerisoné kutó diratere whi Jems-né noma Jud-né dapó. Talené a beterepaae ape yóló, Alima Kótóné hosaa muóló yaala sókó fóo, Yesu Kerisoné dapesene waai wisiyóló kaae tawóo, ere so whipaae dapó.

² Ti Kótóné koleturaalu hałe tao sere alakélé, hosaa muni deyóló dua betere alakélé, yaala sókó fole alakélé, mo turó diã tuamó mulópóló yae.

Kótó hõratere whirapené dere alamó dowi tikipaae faaire ala

³ Yało hosaa mole no nerape-ó, da fea aluyaşsóró Kótóné tao sere ala bete diãné tuę yópóló, așyaai ketekę bualepó. Téyaleteti, Talené ama kae beteró betere so whipaae tuę tiki tiratere fo mo wisiyóló kaae tawae yóló, mo beta felimótóró melalepó. Ai fo wisi tokóló aluróló mené kae fo depa, taalae yóló foné saasepóló i dere ape.

⁴ Ti noatepae, mepaae whirape kikiti wóló diã kuamó betereiné dapó. Ai whirape atimané mió ai du betere ala yaai teópa mo taketitei, Kótóné só deró beterapóló așemó erapó. Ti atimata, Kótóné ala erénitere whirape bitu, Kótóné hamokoróló tao sere ala hałe ęla aqróló, nõpu naaitere ala fo munipa yae du beterapó. Atéturaalu, da teteróló kaae tare mo doasi Tale Yesu Keriso betaťóró betepatei, atima a aqmó betaalo hõróló ama doi doróló faletu beterapó.

⁵ Mió yało i yaaitere fo fea diaaḡ tuéꝑatei, mo diriyóló tué yaasepóló, momó i dapa wosae. Talené ama so wh̄i Isip hae kwiamó betepa, ama tao sóró dapesó waleteti, nalo ama dere fo wosóló tué tiki tiréni yale so wh̄i mo ti dóló sisiraae faralepó.

⁶ Meta, Kótóné mepaae *ensel*-rapepaae kaae tawae yóló melale kutó taalóturaalu, atima betere tikikélé taaralepó. Atétepa, atima Kótóné dirii *sein* képiné dokóló diliki tuamó mo ti *dipula* beteró beterapó. Aita hałe mei, Talené ama taleyaaire doasi be de sókó wópóló, kaae taru beteró beterapó.

⁷ Meta, Sodom beró Komora betamokélé, ai be hulua tamo felekemó te mole doasi be huluara-pekélé, doró betteretei kisipa muae. Ai berape huluamó betó mole so wh̄iné nóꝑu nokole alaró kae kae sonaalei dowi alatamo mo dekéro hałe yó tapa, Talené kwia melalepó. Mió i alimó betere so wh̄iné ai yale ala tué muóló, nalo waaire alimó Talené dowi kwia matere so wh̄i mo ti dó tare simó betteratepa, doasi dele saalopóló kisipa muópóló erapó.

⁸ Ai ala ere kaaetóro, yało diāpaae yale kapala fo yó matere wh̄irape atima nokené i ala kelalepó du bitutei, nóꝑu nokole alané atimané tikitei doróló folokoleróo, doasi teteróló kaae tare wh̄irape aomó bitini dowaae fóo, hepen bemó betere sekērapekélé faleyoó, du beterapó.

⁹ Téteꝑatei, doasi topo *ensel* Maikel a halaainé Satan-paae etei kaae só deratere fo inipó. Moses-né tiki sini né saaloé yóló atimaamo seꝓ seꝓ yaleteti, Maikel-né Satan foné sóró só deréni, “Talené amatei ya foné sóró, só derópóló yae,” fo betā erapó.

¹⁰ Topo *ensel*-né atei faletere fo dumitei, diã tuãmó ai betó mole whĩrape atima diriyóló tuę inire alarape fea faletu beterapó. Tétu, atima topo daanire ọla hupu ó yuwiné dere ala kaae, tó tikiné ekeleyóló hãle hoko du betere ala atima mo wisiyóló kisiparu, dere alanétei atima mo dorótu beterapó.

¹¹ Ai whĩrape atima doló sukunaaire tuęni, hãle hoko du betere alata, Kein ą dowãae fóló noma du yale kaaetóró ai du betere ape. Kale whĩ Balam ąkélé doasi *moni* saai ekeleyóló kópaae fu yale kaae, ai whĩrapekélé tuę tekeni, *moni* saai dapóló ekele duraalu ai fele ape. Kale whĩ Korakélé Kótóné sóró beteraale topo whĩ Moses aomó betere hõyóló dowãae fupa, Talené atima doló alurótu yale kaae, ai whĩrapekélé atéro doraalopó. Téyaalopa ai whĩrape atima wiyó yae!

¹² Ai whĩrape atima haleni, Keriso so whĩ diãsisi yaala sókó furaalu, ọla deyóló nokole sukamó atimakélé Keriso whĩrapepóló halaainé, diãtamo ọla betãmó nukua dapó. Ai whĩrape tuãmóta, i ala kaae erapó. Tũmó kapo fosó ó ni serake kikiti holó tare kaae, diã doraaire ala atima tuãmó bulapó. Meta, *sipsip* hupu kaae tare whĩrapené hupurape wisiyóló kaae tani, ọla atima maaté nuku dere kaae ai whĩrapené du betere ala atérapó. Hali waairaalu, sãko diliki deretei halimo wéni, beséné kae tikipaae só fu dere kaae dua dapó. Meta, ni du woletere alimó kelerãlemó, du betãkélé woleni, ama felekekélé haepaae derepéni yóló hãle tómó beleru, kale ni mo ti sélitu dere kaae atimané dere alaró betere alatamo atérapó.

¹³ Meta, doasi wẹi dokole sukamó dakeró ọla

ɔla holopetamo sóró wóló wẹi fókumó mulótu dere kaae, mo sonaané yóló halei alatei, atima mo halaainé du beteraþó. Meta, samó hore hoko kutu dere kaae, atima mo dowi diliki dolomó atéro beteroþoló, ero beteraþó.

14-15 Adam-né deale naalené deté feletei dosætaturaalu, apo mi dakoroló deale whi Inokepaae Kótóné i fo yae yóló ipakaleþó. “Talené ama kae betero betere *ensel*-rape mo hale ɔla kaae atamo ai walapa kelae. So whi feané ama ala eréni, kae tu sya fóló dowi ala duraalu, Tale faleýoló deteraire fo du betaleteimó, taleýoló só deraai waalopó,” erapó.

16 Ai whirape atima Kótóné ala sya faalomeipóló, doka doka yóló faleturaalu, tó tikié ekelere ala sya fóló dowi ala du beteraþó. Tétu, atimatei doi sóró horóló bopé faketu beteraþó. Mepaae so whiné atimamó me alakó erópóló kisipa mutu, foné so whi hale mulóló dukiraterere fo du beteraþó.

Kótóné ala erótu betereþei taaréni, hale ero tawae

17 Téþatei, yało hosaa mole no nerape-ó, da tetéroλό kaae tare whi Yesu Kerisoné dotonale *aposel* whirapené take nalopaae i ala yaalopóló, diþapaae yó melale fo tué muae.

18 Ai whirapené diþapaae i fo yaleþó. “Take kemetere sukamó Kótóné ala faletu betere so whi atima tó tikié ekelere ala sya fóló, dowi ala maaté du betaalopó,” erapó.

19 Ti ai ala du betere whirape tuamó Ðei Kepe Wisi bitini, mo hae whiné mole tuéro dere

alatamo maaté sya furaalu, diä tuámó fake tek-erótu beterapó.

²⁰ Tépatéi, yálo hosaa mole no nerape-ó, diä Tal-ené ama so whi bitu apaae tué tiki tiró beteretei mo ti fakeyópóló, ama mo kae ere fo wisi sya fóló erótu betóo, Deį Kepe Wisiné diä fotokorátepa Talepaae moma yóo, du betae.

²¹ Dä teteróló kaae tare whi Yesu Kerisoné kóletu, tao sóró mo ti betere ala tuapaae dapesó faaire be de kaae taru, diä Kótóné yaala sókó fole ala tuámó betó tawae.

²²⁻²³ Atéru, mepaae so whi kisipa tamo muluraalu tué tiki tiratere ala wotáalepa, kóletu tao sae. Téturaalu, mepaae mo felekemó sipaae faaitere so whi atima aluyaqsóro tao sóo, sukále whiné yei kuti bukaalo hótu dere kaae, mepaae so whi atimané tó tikimó ekeleyóló du betere son-aalei ala diapaae tekaqsóro, wiyóló tika kae bitu kóleyóló tao sóo yae.

Kótóné doi doasi mulatere fo

²⁴ Diä dée naqsóro tao senére sekéné doi doasi muópóló, hale sóró horae. Ti diä ai sekéné ama kae ere de tuapaae dapesó fóló, me alakélé muni mo doasi hai fanuraalu atamo betámó betenérápó.

²⁵ Dä teteróló kaae tare Tale Yesu Keriso tuapaae erale alané so whi aluyaqsóro tao su beterapó. Atére Kótó mo betátóro beterapa, ama doi doasi mulae. Tétu, mo kae ere de fanee alakélé, ama mo kae ere ala wisinaalekélé, doasi fotokokélé, fea ala teteróló kaae tare betekélé, mo apaaetóro erópóló yae. Mo take keké nale alimókélé, mió i betere

alimókélé, nalo betaaire alimókélé, ama doi doasi
hãle muó tanópóló, sóró horótu betae. Mo kée,
táyópóló yae!

**Yesu Kerisoné So Whi Tao Sere Kisi Fo Wisi
The New Testament in the Falopa Language of Papua
New Guinea**

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

 You include the above copyright and source information.

 You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

PDF generated using Haiola and XeLaTeX on 18 Apr 2025 from source files dated 31 Aug 2023

0102a9df-173c-5a64-b766-14ab67a86105